


崇川咫聞錄

二



			九	漢
		一〇	〇	書
		二	九	門
		三	九	
		四	九	
一	二	三	四	類
冊	架	函	號	

庫文閣内			
九	〇	九	漢
二	一	〇	書
八	二	九	
架	冊	號	類

内閣文庫			
番號	漢	9099	
冊數	12 (2)		
函號	292	37	



崇川咫聞錄卷二

淺草文庫

山川錄第四

郡人 徐 縉鸞坡氏
楊廷撰述臣氏 同輯

從揚州袁趨古海陵道地平行無岡阜狼山峙通州城南十八里為揚通佗鎮昔時江水浸其麓劔山軍山黃泥山馬鞍山越在江中今洲生數十江隄遠者南距山二十五里東繞海口輪倍之廣五之西接如臯縷隄不斲如帶五峯絡繹環立於陸籃輿蠟屐一日之間可徧陟也岷江七千餘里至山南迤行東北入海江廣以淡



登山眺江趨海之道千斛舟維長綃帆席指對岸津渡
中流杳冥不可辨識於是隄內割制廬井十數萬非大
風海溢無漂沒之患洲宜木棉南市閩廣北達遼陽衣
被天下視圍河旁沮洳利害懸絕然茲山唐以壽不甚
累箸南唐以狼山名鎮而新唐書稱徐敬業敬猷杜求
仁駱賓王潛蒜山下將入海逃高麗阻風海陵遺山江
中其將王那相斬之傳首東都海陵無宅山遺山其狼
五山舊名邪山與江南諸山隔巨壑脈絡從淮南來靈
蹤幽儵於遺義爲洽特近世無傳遺山者

遜志堂集

狼山奠四瀆歸海之側仿佛與碣石同碣石紀於禹貢

狼山尙不及成山見之太史公書碣淪於渤海秦漢北魏
駐蹕之迹盤盪消泮蕩颺無餘矣而江之委輸不竭海
之虛受不盈藐余五峯與竝天地終始豈理固然耶又
自唐臣竄迹後訖明中葉擒文安巨盜劉七於此雖高
者爲敵所棲狡寇天亾同於授首然浦大容舟登山望
逐捕之軍表裏無所隱蔽伺隙襲掠江淮急則入海宜
其爲奸民所擬據以壽明經畧倭寇言之視今以沙洲
爲捍蔽巨艦不得入農桑不驚戍防閒宴則茲土信乎
爲江蘇樂國矣

遜志堂集

五山之興廢一郡之盛衰係焉昔顧大司馬養謙曰大

都山寺遠者百餘年近者數十年率有興廢興則五穀
登境內安樂人民殷富士登選仕者通廢則歲凶兵燹
仨百姓困敝士下第仕不振所從來遠矣袁方伯隨曰
狼山之巔五級浮圖名支雲塔以占士人羸榮方輿家
稱文筆焉每當颶風摧圮文運大減王太守宜亨曰五
山名甲江北按其圖覽其記歷其形勝知此山之福庇
於通者功不淺焉又曰山寺興則歲豐人事皆修山寺
廢則歲歉人事皆頹是其所以默爲羸應而宰乎一郡
之盛衰者要非山之靈不至此故蒞斯土者首先有事
於山培而固之而直指使者巡方所至率多發贖緩而

修葺之匪徒逞奇詫勝爲游觀之侈也考諸往牒實有
見乎興廢盛衰之機捷于影響者蓋以通之地執漸下
而疆場內蝕浮沙時漲時沒不可堤岸苟非五山爲砥
柱則通之城隍悉如海門縣治之洋洋付諸波臣矣求
民之不爲魚者幾希

五山外史叢談錄

岷江西來長淮東注萬派朝宗之處五山嶄然突起據
吳楚之要阨天塹之險北撼燕齊南凌閩粵右江左海
控制百蠻雖僻處一隅實爲重鎮故曰東南澤國宇宙
大觀岷山瀾灑吞聲於此中原蜿蜒藏形於此淮泗透
迤交匯於此跨江百里而近爲蘇之常熟虞山福山君

山若浮若沈於紅濤白浪中所謂氣吞吳會者也派江
右上四百里為金焦北固五山退殿其末所謂江海門
戶十倍金焦者也易曰地險山川邱陵也王公設險以
守其國然則茲五山者豈僅砥柱江淮為通屏障哉
五山舊志

通剡之山有五而狼山為最奇東為軍山西為塔山左
右若翼狼山之名以形似或謂有白狼據焉宋淳化中
改狼為琅 名山記

五山者江海之鎖鑰淮揚之門戶也今沿海斥堠相望
水犀兵甲之出入鶴鶴餘皇之往來東南半壁安於磐

石者非五山之扼其險不為功 十六洞天山人筆談

即郡幹云琅五山距城十餘里晨去暮返急急奔馳者
木足領山之趣惟沙鼎自雉邑來登山數日坐臥宜不
取笑山靈也余游狼山最厭塵囂雜沓近尋幽徑惟山
北峭壁遠則迤西二山可以增助吟興及讀梅佐登狼
山詩再向松陰坐一回殊有雅人淡致 海曲拾遺

狼山昔名軍山昔之好事者相傳祖龍嘗駐軍中峯夫
中峯狼山也按州志天祚巖在軍山為五代時姚存艤
舟所題識始未悟遂于今之所謂軍山者遍尋訪之杳
不可得一日得之狼山乃悉昔之名軍州志第載在軍

山未申其說者蓋因舊志所載載之卽操觚者夾茫不知題刻果在于何處也王宐亨記云秦始皇嘗駐軍中峯名爲軍山軍之名不顯于狼者土人狃于舊聞也十六洞天山人筆談

狼山之西昔名馬鞍山蓋肖其形也後訛爲塔山今以土色稍黃遂呼爲黃泥山黃泥之西昔名仙女山蓋因有女隱此仙去也因建仙女塔一名塔山後訛爲馬鞍山按丁丑州志馬鞍山以形似名上有積翠峯在元君祠南今元君祠現在黃泥山西不知今之黃泥爲昔之馬鞍獨不觀元君祠乎獨不觀山之形似乎宋劉弇記

云有以形銳且中罅者曰劍脊曰馬鞍則以增狼山而並敘者也又丁丑甲寅二志皆曰通濟關在塔山西下迄今馬鞍山西巖壁上舊刻通濟關三大字猶存不知今之馬鞍山爲昔之仙女山獨不識通濟關三大字乎劉弇記云仙女山最外峙有穴通中頃歲嫗有自龍舒來者年七十獨食息其中似得道者蓋劉弇時猶近古故所記不失實後之爲州志者漫不考核始則依舊志抄載旣則以時事信筆續成之致顛倒錯亂可發一嘆十六洞天山人筆談

劍山以形銳得名相傳秦始皇淬劍於此山足石竄齒

嶙嶙築新城伐其石代甃遂減色四十年始出苔錢摺而東石齒益噴巉削出芙蓉城半壁五山名蹟述

軍山一名象山越王駐軍於此故名又云始皇駐軍處也夫始皇渡浙江水波惡從狹中渡此山下乃揚子江最闊處何為駐軍且淬劍乎國朝康熙初伐其松樹千餘株修新城五山名蹟述

狼山在州治南十八里吳越錢傳瓘帥戰艦自東州擊吳吳遣彭彥章拒之戰於狼山即此乾隆府廳州縣圖志

狼山高以丈計者五十而週迴五百一十二丈劍山高計以丈者四十有四而週迴五百丈軍山六十一丈之

高六百五十二丈之週黃泥山二十三丈之高五百四十六丈之週馬鞍山高十有二丈其廣袤三百五十五丈也按州志狼山高五十三丈劍山高二十有九軍山高過劍山六丈黃泥山高十有七丈馬鞍山高同黃泥山皆漫不加度訛誤之甚者也十六洞天山人筆談

米芾題為第一山登高遠眺四野星羅江光互天一瞬千里朝旭靜照水波不興江南諸山厯厯可數而颺風忽簸驚濤四起遠峯近渚咫尺相迷蓋朝夕變態千殊萬狀寰宇之大觀盡於此矣五山名蹟述

狼山有宋高宗御書題曰水天一色海曲拾遺

錢綺樓云登岫有海市吾通次有山市嘗遠從福山歸
見空際樓臺變現仿佛狼峯真奇觀也李漁衫學博以
爲可補入郡志 共暉閣筆記

嘉慶十一年善化唐陶山先生 仲冕 攝司岫事二月望

後七日登山祈麥賦詩曰文吏但祝麥幪幪山英頓掃

雨浪浪紀實事也陟最高頂聽鼓琴仰穿浮圖五級據

幹軒周流徘徊望吳楚遂下置酒翠微間同游者張涵

齋侍讀 肅 宋小城廣文 保 孫嘯壑山人 匯 邵无咎孝廉

駮 馬釋齋中翰 有章 及先生季弟艾齋 佳駒 張甥息齋

先 駮二子 鎮籛 也顯名北崖丹嶂 郡乘荀採

山東東阿縣東南二十八里有狼山下有狼水北直易
岫境有琅山俗謂之郎君山峯巒秀拔頗似少華陳後
主詩云狼山聚雲暗則塞外之狼山也四川劔州有大
劔山小劔山湖北漢陽縣有大軍山小軍山湖南益陽
縣五溪山一名軍山四川中江縣有會軍山先主會軍
士于此新安小志黃牢山別名黃泥山程靈洗墓在其
下山西翼城縣夾有黃泥山見敬業堂集山東掖縣東
南三十里陽北山一名馬鞍山浙江松陽縣東四十八
里有馬鞍山續南越志始皇時望氣者云南海有五色
氣遂發卒千人鑿以斷山之岡阜今其山形如馬鞍姑

蘇崑山縣亦有馬鞍山孤峯特秀山產玲瓏石此五山之名見於他處者約畧記之又山中古蹟多直襲舊名如桃源赤壁之類今取其名相同或事相比者均註于下以葡覽觀

州乘一擊

支雲塔在狼山巔凡五級登之壽望大江倏忽萬狀雲帆雪浪四時改觀南望虞山縹緲抹黛福陶銅官諸峯隱約吞吐浮青偃翠出沒有無烟霞蒼茫之際漁舟估舶映帶日月飛鳧翔鶴遠執盤空而海門東去浩淼奔騰與天無際覺濤風簸揚欄楯中雖蓬壺可借鶴背往也方輿家謂郡之文筆陸游老學庵筆記宣和末有巨

商捨三萬緡裝飾泗州普照塔煥然一新建炎中商歸湖南至池州大江中一日晨興忽見一塔十三級浮水上南來金碧照耀而隨波傾颭若欲倒者商舉家及舟人俱見之咸驚怖誦佛既漸近有僧出塔下舉手揖曰元來是裝塔施主船淮南方大災大師將塔往海東行化去語未竟忽大風作塔去如飛遂不見未幾乃聞塔燬於火舒州僧廣勤與商船同行親見之今狼山支雲塔建自太平興國間而大聖香火始著安知商舟所見者非大師移塔於狼山乎狼山在海上其語又合也五山仙釋志宋太平興國間智幻禪師臨沂人姓田氏早

隸進士因讀楞嚴經有悟薙髮為僧主狼山廣教禪院
乃造大聖塔為偈曰當初不肯住長安現相西歸泗水
閒今日又還思展化東來海上鎮狼山衲子家知為僧
伽後身云 五山名蹟述

禹王祠在山腰官閣東南小石塔西所塑禹王像猶存
今訛為靈官殿相沿久之無有辯者 五山名蹟述

大聖殿在狼山絕頂支雲塔後內祀泗洲大聖明覺普
照國師明成化間燬於燹重建為僧伽殿萬秣閒重葺
改今名 蔣之奇傳記云余讀太白詩云真僧法號曰僧
伽有時與我論三車迺知僧伽者白嘗與談真
要矣又讀韓愈詩云僧伽晚出淮泗上執到眾佛尤魁
奇夫愈斥佛至老不變若僧伽之神異雖愈亦不敢誣

也故常欲為佗傳而未暇比余之秦之楚而得僧伽事
蓋詳於是纂輯而為之傳謹按普照明覺大師僧伽者
高宗龍朔中至長安洛陽應化遂南遊江淮手執楊柳
枝攜瓶水混稠粥中或問師何姓答曰姓何又問師何
國人答曰何國人然人莫測其為何等語也老后偈周
帝號老代周萬歲通天中有制番僧樂住者聽遂隸楚
剡龍興寺後欲於泗上建寺迺至臨淮宿山陽令賀跋
卒濟家謂曰吾欲於此建寺迺藍即現十一面觀音相
卒濟驚異請捨所居為寺師曰此地舊佛宇也令掘地
得古碑乃齊香積寺銘李龍建所創併獲金像一軀眾
以為然燈佛師曰普照王佛也視金像衣葉間果有普
照王佛字由是其化盛行四方歸之景龍二年中宗遣
使迎師入內號偈國師帝及百官執弟子禮與度慧岸
慧儼木父三人以嗣傳燈并賜臨淮寺額師請以佛號
勝之帝以照字觸天后諱改號普光王寺為親書寺額
景龍四年師寢疾出住大薦福寺三月二日端坐而化
春秋八十有三在西土三十年入中國五月二日端坐
即薦福漆身建塔忽臭氣滿城亟祝送師歸臨淮言訖
異香騰馥遂送真身以是年五月五日臨淮建塔安

師真身於塔內敕百官送至都門土庶至灞水帝仰慕
不念因問萬迴曰僧伽大師何人也對曰觀音化身也
普門品云應以比丘身得度者
即皆現之而為說法斯之謂也

舊志及通州丁丑甲寅二志成謂狼山大雄諸殿及浮
圖為唐總章二年僧智幻與郡人姚彥章建而丁丑遺
事志甲寅仙釋志又均謂僧智幻宋太平興國間主狼
山廣教禪院夫以總章至太平興國不下三百餘載豈
一智幻壽至數百年耶抑痔後兩智幻耶何自相舛誤
若此丁丑志又謂姚彥章為彥洪夫彥洪庭珪之猶子
也乃受困于錢王鏐者考其時則去總章間遠矣 十六
洞天山人筆談

又謂狼山大聖塔夾唐總章間建考大聖本傳唐龍朔
初始入中國通天中隸楚州龍興寺景龍間始建塔泗
上景龍後總章數十載安得先建塔于狼山乎則總章
間之建大聖塔誤矣或者所建非大聖塔並非智幻建
也况智幻所佗偈人讀之知為大聖後身則以智幻為
宋太平興國間人宜矣 十六洞天山人筆談
宣和歲己亥夏都邑大水幾冒入城隅高至五七丈久
之方得解時泗水僧伽大士忽見于大內明堂頂雲龍
之上凝立空中風飄飄然吹衣為動芻侍惠岸木叉皆
在焉又有白衣巾裏跪於僧伽痔者若受戒論狀萬眾

咸觀白衣者疑爲龍神僧伽所降伏者也狼山爲蛟龍窟宅大聖鎮之有意爾

鐵圍山叢談

舊志及州志咸曰藏經樓一名棲雲閣按丁丑州志棲雲閣在西巖宋咸寧間建又蘿庵祖師塔在棲雲閣下今棲雲閣址雖莫辨而蘿庵塔現在小石塔西則閣址當在塔上十六洞天山人筆談

狼山小石塔西有蘿庵祖師塔石上現刻姓鄭氏福州人緇流遞年輪掃咸以爲狼山開山僧智幻塔夫智幻姓田氏臨沂人也十六洞天山人筆談

萃景樓在狼山巔支雲塔峙景與塔同宋初爲三會亭

址明嘉靖十八年州同知舒纓建是樓玲瓏高迥上逼雲衢東顧巨海南瞰長江吳楚勝景萃於欄檻閒纓自爲賦一記一

大觀臺在狼山巔磴石爲之繚以石欄縱橫十餘丈方平高曠登此四望無際眉睫胸臆俱爲之豁東折爲振衣亭又東爲山腰官閣

山腰官閣在狼山東南半山上昔爲半山亭重葺改今額上碧雲天半閣左慧福庵

三辰軒在狼山山腰官閣上明嘉靖間州守董漢儒判官高節郡人錢御史業遊憩所三人皆壬辰榜故名業

有記後改葵竹山房

半庭石在狼山藏經樓東後訛為棲雲閣禪堂內庭堦
輪廣五十尺許而石踞其半上鑄半庭石三字一名半
千石半於姑蘇虎邱千人石也近在石旁開礪礪中獲
斷碑十餘皆鑄宋元人遺詩郡人陳映芊月喬建亭其
上碑石陷置壁間按山東北麓葫蘆峯左有千人洞又
天竺山有千人壑望若不甚廣可立千人擬虎邱千人
石附吳地記虎邱山劍池旁有石可坐千人號千人石
寶宇記虎邱山礪側平石號千人坐俗傳生公講法
得名以下各條俱採
汪芸巢業州乘一覽
飛來石在狼山東高尋丈長如之廣三之二皴匏如鱗

甲若嵌碎石而成相傳墮白山椒在俯濤軒後又天竺

山夾有飛來石色微黑古苔斑駁上銘三字附山川府

城北小崎山有飛來石下有石柱推之可轉而不可仆
夷堅志福清居民夜半聞山上聲如雷震旦視山頂有
大石方一丈飛落半腰間山麓舊有邑士李槐碑云天
寶石移狀元來期天寶即邑內石坡名是年蕭國梁果
魁天下水經注紹興府東南怪山本瑯琊郡東莒縣海
中山飛來一名自來山又名飛來山府西北錦阜山自
蜀飛來上帶二十餘人善織錦廣興記淮安府海州東
北海中鬱洲山一名蒼梧山自蒼梧飛來杭州靈隱寺
舟飛來峯晉時西天僧登此歎曰此天竺國靈鷲山之
小嶺不知何日飛來下有翠微亭韓世忠忤秦檜罷官
歸湖上時所構又有冷泉亭福州府城北飛來山越王
時自會稽飛來廣州清遠峽一名中宿峽海流貫其中
梁時峽有二神人化為力士往舒州延祚寺夜叩真後
禪師曰峽據清遠上游欲建一道場師許之乎俊許諾
中夜風雨大作遲明啟戶佛殿寶像已神運至此山矣
師安坐說偈曰此殿飛來何不去空中答曰動不如

靜賜額曰飛來寺廣西太平府崇善縣有飛來鐘自交趾思琅州飛來人欲取其銅鑄軍器未至鐘所仆地死又江寧府城東靈谷寺有飛來剪

松岡在狼山陽自嶺至麓蔽岡皆松昔如臯李徂徠結

種松社於此後凋盡郡人復爲補植又由東麓上達絕

頂夾嶺皆松名萬松嶺

增杭州府城東萬松嶺夾嶺栽松靈隱寺外九里松邵老府北

穿雲洞由狼巔北下百餘丈折而西復東轉亂峯陡絕

間中窻一罅玲瓏峭拔昕夕多飄飄舒卷傍有石刻招

隱臺三大字山志招隱臺仵招隱原

朝陽洞在狼山東北麓獅子石左廣丈餘高倍之深三

四丈日初上此洞受照獨先又葫蘆峯左有朝陰洞一名千人洞又名夕陽洞

夕陽洞題名慶秣甲申孟冬晦因按部同弟無頗間遊提點淮南刑獄兼勸農事祖無擇書胡思忠捧硯嘉祐戊戌中秋郡守尙書郎聶世卿仲孺通理庠博高子良夢弼同遊靜海令禮博蔡建中安世都巡檢使崇玉雅公謹幕吏崔偉卿興化令李希言宗道從熙寧癸丑三月十七日與端方弟親遊此巖晁端彥美叔顥又肅之照隣伯修同來未著姓次無年月

海月巖在狼山北巖魁嶷層層疊出如飛檐架空中

海上月出先臨之故名而微涸涓滴隨風飄灑四時不竭一名滴珠巖下有觀音院又名觀音巖

昔有觀音石像浮海而來有神驗迄今祀之

天祚巖在狼山北與海月巖接聯嶙峋左出欵若上飛五代時姚存艤舟所題識左右一帶石色紫赤名紫石巖山號紫琅以此

天祚巖顯名可考者姚存上西都朝覲迴到此其上有天祚二字提刑薛球太守臧師顏淮東轉運副使蔣之奇來觀下有熙寧癸丑四月十八日數字又紹熙癸丑春三月漕臣趙師畢將憲節錄囚至通川記事因同大

守章冲別駕錢孜讞屬蔣蘭戎佐劉良輔郡幕黃元振與賓劉昌詩來遊又通州為淮南道院壬寅廢干兵昔之繁庶今餘燼矣柯山楊公瑜綰郡綬暇日與客登狼山把酒賦詩盡日方還慨舊觀之寥落撫壯懷而增感時淳佑甲辰仲秋日紀又余壽國會來未著年號海曲拾遺香爐峯在狼山北天祚巖左峯巔巨石突起形若香爐天陰晦欲雨雲氣從石罅中噴出如爐烟縹緲增廣輿記南康府廬山周五百里餘高萬仞道書第八洞天上有香爐峯白太傅愛其雲水泉石置草堂又南昌府城東夾有香爐峯仙硯石在狼山東北麓獅子石右廣二丈許長倍之天

然古朴傳為仙靈試墨處上多顯刻漶滅不可辨胡旦
渤海人以狀元知制誥謫溥州著書三百卷嘗佗大硯
方五六尺刻云胡旦修春秋硯廣輿記福建泉州府南
安縣九日山萬松下秦系字公緒結廬處穴石為硯注
老子爾雅雲南曲靖府治西負金山頂有穴水淡尺餘
土人謂之硯池童子取其水置硯則學書有成寧波府
慈谿縣白巖山罅間有石硯可見而不可得從征記孔
子廟有石硯製甚
朴古夫子平生物

獅子石在狼山東北麓朝陽洞右高三丈餘昂首蹲踞

狀若獅子上刻獅子石三字坊廣輿記廣西南寧府新

丈三石蹲踞若獅名獅子巖稍入遂曲空曠奇粲萬狀
再循一隙則亂孔懸厓迴非人境賈氏閒談李德裕平
泉莊獅子石高二三尺孔竅萬千
遞相通貫狀如獅首尾鼻眼皆全

醒石在狼山東北鷓鴣巖下離立山根數十丈輪廣各

二丈餘可坐十輩其上游人多飲於此宋陸子履名之

反陶公所謂醉石也或曰飲於此者多不醉宋熙寧癸

丑提點刑獄使晁美叔題名坊廬山志栗里澗中一大

眠其上名醉石周必大廬山後錄醉石有均處名陶公
枕痕慶餘錄李德裕平泉別墅採天下珍木怪石為玩
有醒酒石尤所寶惜醉即歸之頃刻清爽五代張全義
傳全義監軍得之墨莊漫錄宿州靈璧縣張氏園一石
甚奇所謂小蓬萊也蘇子瞻題云東坡居士醉中觀此
灑然而醒蔣穎叔過之題云荆溪居士暑中觀此爽然

而涼吳右司師禮守宿題其後云大暑醉中讀二頌一
笑而去廣輿記河南修武縣天門山痔巨石乃劉伶醒
酒處述異記桂林有睡草見之則令人睡一名醉草開
元遺事興慶池南岸有草數叢葉細心勁醉者過其旁
摘草嗅之立

醒名醒醉草

狼山北巖石上有鞭痕昔之好事者遂相傳為秦始皇

雙人峯在劔山東南二石亭亭如兩人並肩立於天半

在老烏巖右峽劉義慶幽明錄宜都建平之界有五

對俗謂二郡督郵爭界於此野史趙州志光夜至州

南迷路聞人語問之弗應見二人立傍怒拔劔斬之其

石如人形昔有兄弟向海捕魚因化為石號兄弟石

煉丹臺在劔山東南朝陽庵故址右高廣尋丈方士陳

若虛煉丹於此遇仙又軍山夾有煉丹臺在真人洞左

縱橫二丈餘方正如削為燕真人煉丹處

赤壁在劔山白嶺直下色赭赤菩提洞東南峭壁也遵

麓而行霞光蘸眉睫間峽一統志江漢間赤壁有五漢

夏者合于史漢陽府城南臨嶂山赤壁乃烏林峯也黃

州府城西北漢川門外赤壁乃赤壁嶼山也屹立江濱截

江北則此赤壁當在樊口上又操軍初戰不利引次

東坡指黃州赤壁為赤壁誤矣

鶴頸彎在劔山東南由朝陽庵而東上而西折委蛇達

迴龍岡逕最幽絕曲如鶴頸然

望海洞在劔山東南麓廣丈餘高倍之深遂莫測昔潮

水繞洞口到此可觀海旭日初升金光閃爍

天然石梁在劔山僧石明掘土按出石脊彎環下空如

梁或名天斗橋象其形曲大取劔氣冲牛斗之義峽廣

廬山上石梁長數丈廣不盈尺杳然無底晉吳猛躡而

度見金闕玉房一老人坐琪樹下杯盛甘露授猛天台

山石梁廣數丈長數十丈下臨絕澗惟攀蘿梯巖乃可

登上瓊樓玉闕碧林醴泉瑤草神奇莫可名狀雲南

大理府城南天橋觀音大士鑿洞山骨使洄水下泄下
斷上連斷壁深塹石梁跨之可度一人兩崖水珠濺如
梅萼人呼為不謝梅貴州黎平府天生橋一石跨溪潭
上廣二丈許長二十餘丈安順州東天生橋石壁千仞
環繞如城水經其下信天造也

淡竹灘在劍山西南一道洪流曲抱山麓萬竿細篠映
帶左右沙漲後樵採殆盡

象鼻巖在軍山東北從山椒崩直吞山麓長數十丈
若象垂鼻狀軍山號象山以此上有古榆彎下為象鼻

石一名椒嘴石又名狼牙石附廣興記江西廣信府貴
溪縣象山特起厯然如象

陸九淵讀書處廣西桂林府東南離山一名
象鼻山突起水濱形似象旁有洞可避兵

白雲泉在軍山東半山上碧瑩而甘清冽而寒識者謂

江以北第一泉今規為井在古榆灣南井上有品泉石

第十六洞天山人顛刻又有茶竈石在泉側泉下山岡

迴護巖谷深藏誠雲嵐窟宅名臥雲窟

四賢祠在軍山祀范文正胡文定岳忠老文忠烈四公

自狼山葵竹山房移此北為水雲窩

試劍巖在軍山東亂石灣上一痕如劈長十數丈自巖

巔直下俗呼為洞賓試劍石附廣興記湖廣岳州府城
南白鶴山有白鶴寺其陽

兩池內潛巨蟒呂翁招出化為劍真定府元氏縣青龍
山有郭元振試劍石徐州府城東南有漢高祖試劍石
廣西桂林府灘江濱伏波巖突起高千丈有
洞懸石如柱去地一線為伏波試劍石

大小山茶灣在軍山麓自普陀巖東多山茶寶珠種也

相傳三青鸞銜其種來茁於巖壁陡絕閒昔山麓皆水
花時倒映水波為紅沙漲後攀取漸盡百不一存

躡雲磴在軍山東由旭半庵址南上石級層疊如躡亂
雲中巖間鐫躡雲磴三字

疊錦巒在軍山頂東下數十步怪石纍纍如星削碁布
紫蘚碧苔繡錯若錦

桃花峪在軍山東昔種桃花千萬樹後為樵夫斧斤所
盡在白雲洞南洞方廣三四丈凝寒沁肌膚難久停每

夕將旦時有白雲飛出知至者渺右有燕真人洞真人
辟穀所也左有煉丹臺離立山麓高二丈縱橫畧等方

正如削右有落星巖魄碗突出圓如卵如星之下垂嘗

有飛星墮於此地括蒼彙紀王右軍游惡溪歎其奇絕
書突星瀨三字于石廣輿記江寧府西

北落星岡李太白以紫綺裘換酒飲落星石即此圖經
廬山東有星墜水化石為小山當彭蠡灣號落星灣福
建延平府將樂縣晉時有星墜其地忽成一穴名
落星穴占者云五百年當生大賢宋楊時產于此

張公坡在軍山東南輪廣各二丈餘凌虛架空俯視無
地礫石翫翫若龍蛇屈曲莫可名狀明末總兵張之斗
避迹于此手自鋤闢邑人義之名其坡地廣輿記休寧
縣西張公山昔

張公隱此古為三天
子都夾稱三天子障
劉郎路在軍山北由普陀巖東折而南上西陟絕頂其

徑僅一線如羊腸劉名芳闢之廣六尺許行者便之呼

劉郎路

分水石在軍山南麓查牙突出橫截道旁地勢稍高巖
溜瀉時則左右分流流東南者味甘淡流西北者味苦
鹹一名斷水厓又名伏虎石左有雷轟石自山腰至麓
峭壁也叢石纍纍不一其狀色紅黃如火藝附廣輿記
府崇安縣西北分水嶺水一入江西一入福建上有分
水關延平府分枝嶺有大樹一枝向南一枝向北以分
二縣界秦州清水縣小隴山一名分水嶺陝西臨潼府
渭源縣分水嶺下有分水關饒州東薦福寺碑歐陽率
更所書一本直數金范文正為守欲
打干本與書生紙墨已具雷轟其碑
獅子窟在軍山西北普陀巖左即水觀庵遺址巖穴陞
峭而中凹左右巖巒凸出狀若蹲獅

飲馬池在軍山東麓煉丹臺時好事者謂祖龍駐軍飲
馬於此

亂石灣在軍山東麓自狼牙石南入真人洞下眾石砢
砢若鯨翻若虎伏若老人倚立若醉翁僵臥若鞭之不
行若叱之輒起圓若柱尖若笋長若橋梁平若几席一
石一態都可名狀

穿風洞在軍山西南麓獅子窟左數十步清虛高曠靈
風肅然門二可南入而西出一名石門洞門半開寬尺
餘才通人行斜陽照之如有氣勃勃然裏外多石磴可
坐可臥附廣輿記江西南昌府西齊源嶺側幽窈舉炬
始可通徑時有石門洞世亂則開以待隱者湖

廣茌昌府蒲圻縣荆泉洞中有石田溝墜悉具居民視其渠燥溼以下凶穰自洞門入可百步別有門甚狹人畏糧入信步趨出則在崇陽之葛藤坪相距百餘里處州府青田縣石門洞兩峯對峙道書謂元鶴洞天西南匡飛瀑百餘丈舊在榛莽謝靈運守郡時按出游此至浣紗溪遇二女浣紗嘲以詩二女答詩忽不見江西豐城縣雷煥得劍處名劍池詩有石甬長六尺餘廣半之土瘞其半俗呼石門洞四川保寧府城東蟠龍山南有大石長四丈高五尺許其中門扇若人掩閉然長沙府茶陵州秦人三洞有石門不可入惟聞鐘磬聲安化縣有十房洞門廣丈餘內削十房窗戶鐘鼓荀具後有石田石池岳州府慈利縣天門山門兩向各有一穴而入後下拂俗名天帚又賓郎洞羣蠻出入之徑一穴而入後有大門即容數百人有一小石門一人持戟即千百人莫敢犯昔避兵處也延平府順昌縣華陽山半有石門高廣數丈雖盛暑寒氣凜然梅福煉丹處也

招鶴崖在軍山東劉名芳從土中按剔出夜聞鶴唳因

名中圓若柱上平若几履屨而登可坐四五輩張雲驥

山人篆刻有記增廣輿記杭州西湖孤山上有放鶴亭林逋隱此紹興府新昌縣沃洲山上有

支遁放鶴峯

水雲窩在軍山東四賢祠後疊錦巒右雲牙石上招鶴

崖下天欲雨先有雲氣吐出既而靉靄滿山如驚濤驟

湧滾滾不息咫尺相視不見人影中一巨石側立鑄水

雲窩三大字旁有屋三楹繞屋皆叢桂

畫石五山皆有出軍山者為最其紋若松竹藤蔓山水

魚鳥狀似蘸墨成者增廣輿記點蒼石白質青紋有山水草木狀可琢為屏

霧海軍山泄霧成海猶黃山之有雲海也李紅橋詩集

有霧海歌增九域志新安黃山有雲如海

神人拇跡在黃泥山邁軸齋西南盡處多桃花南下有

脚印石履痕數處深淺不一增廣興記雲南臨安府通

印巨跡長二丈餘鎮南州山有碎石如朴增府治西鳳山石上有

之敷瘡立效世傳仙人化于此陝西平涼府涇川縣有

振履堆夸父逐日振履于此台州府城東龍符山上巨

人跡夸父逐日所踐湖廣黃州府麻城縣龜峯山頂有

人跡石跡印入苔薛間深四寸許應真禪師立化之地

靈通河流脚跡在首陽山下潛確類書桂林府義寧江

口石磯上展齒痕蜀將馬當者從老侯征牂牁智惠

江死英靈白晝環甲揮刃大呼振山谷嘗臨流踞坐磯

上展痕宛然水經注思陽川東獨

山下石上有兩脚跡名仙人石

桃源洞在黃泥山大人峯東北麓高丈餘深畧等廣三

四丈草木蒙茸雲翠嵐光可掬往時有桃千樹增廣興

常德府漢芷陵地桃源縣有桃源山旁有桃花溪溪南

桃源洞一名秦人洞即陶潛所謂桃花源也上承沅江

下注洞庭漁人姓黃名道真問津出時其舟已爛名爛

船淵後仙去又徽州府黟縣有樵人入山行數里至一

穴豁然清曠中有十餘家云是秦人避地于此或謂之

小桃源李白詩地多靈草木人尙古衣冠定海縣上山

安期生以醉墨灑石上遂成桃花

大人峯在黃泥山東北麓翠屏峯下高六七仞平地介

立不連岡以成高不附執以自遠翹焉傑出若自表其

不羣者望之使人生嚴憚之心一名紗帽石頂峩峩如

冠冕者然又名朝冠石增廣興記陝西路陽山半有白

侍立者名紗帽石江西撫州府城東英巨山有石人坐

磐石上塵穢生則風潤則雨晴日則徧體瑩潔如玉南

安府南康縣石君山三石酷似人形中日君左日夫人右日女郎

諸賢祠在黃泥山東北麓桃源洞左山中最幽處宋提

刑薛球太守臧師顏輩游憩於此

翠屏峯在黃泥山東北翠屏庵左岫岬錫解如削屏障

碧蘚蒼苔蒙密蔭翳雖嚴冬葱鬱之色不減一名南屏

昔有修竹萬竿又名竹院附廣輿記古田縣北有翠屏山杭州府城西南屏山怪石

壁立如屏

獅子峯在馬鞍山放生池左其西有岡南有碁石西下

為釣臺

碁石在馬鞍山獅子峯南高尋丈廣畧等相傳有仙子

對奕于此一名手談石附廣輿記嚴州府桐廬縣郭翁每驅虎負箬賣于市以周貧者

歸則與仙侶奕碁石上名八仙碁石衢州府城南爛柯山一名碁石道書青霞弟八洞天晉樵者王質入山見童子奕質置斧而觀童子與質一物如棗核食之不飢局終語質曰汝斧柯爛矣寧波府招寶山有碁子坪欲取碁子者先以白豆撒之翌日得白子次以黑豆撒之道士奕願謂子大識此否答曰入猶蛇竇出以雁行道士笑可其說授以服食之法仙去柳州府城南山上有一穴有屏有室宇登者嘗得石坪黑肌赤脈十有八道可奕福建福州府永福縣高蓋山石門插天松檜森蔚猿狖清嘯與寒泉答響乃道書弟七福地嘗有牧兒徐氏飯牛山椒遇二人奕遺徐一碁子叱令歸遂精于奕往杖其側遂生枝葉今老樹尚存延平府尤溪縣九仙山巖壑阻澹人跡罕至昔有樵者入山見二人奕少頃二白鶴啄楊梅墜一顆于地樵者食之遽失奕者所在抵家遂辟穀頗知人休咎

釣臺在馬鞍山獅子峯西下長丈餘突出山腰昔江水

繞山麓傳有仙人垂竿于此坵廣興記宜興縣有任昉

中府有漢女釣臺淮陰有韓信釣臺南皮有太公釣臺

嚴州府富春山左右子陵釣臺袁州府彭雲隱釣臺廣

德張志和釣魚臺湖廣德安府西郝處俊釣魚臺福州

府城南釣臺山下釣龍臺石刻曰全閩第一江山越王

餘善釣白龍處

一線天在馬鞍山西北麓一名穿江洞又名仙女洞即

仙姑洞也自北側入直南而出昔一女子從龍舒來年

七十餘無顛頓容食息其中久之仙去山最外峙有穴

中通稱仙女山以此東有望姑峯龍舒廬州府廬江縣

名坵會昌縣有漢溪一名漢仙巖相傳秦王讀書處有

石寶僅容一人匍匐而入至一線天夷堅志龍安府

治南仙女洞山或執盤旋石竇深遠風日晴和遙見女郎

靚妝遊行巖上或理髮或浣衣洞壑隱現不常王烈蟠

桃記福寧府東北太姥山堯時有老姥獲九轉丹砂法

乘九色龍而仙通志思安府安化縣境巖上有亭如佛

龕不知創自何時至今如新華山蓋屋洞一名玉女洞

有泉甘冽東坡過此汲兩瓶恐後取為從者所給乃破

竹券使僧藏之以為往來之信戲曰調水符台州天姥

山與天台山相望李白有夢游天姥吟湖廣辰州瀘溪

縣大江左絕壁上有石屹立如人相傳高辛氏女

于此化石隔江巖上杭一船一懸厓孔其遺跡也

鍾秀山土山也通州城北洿下不可以門距城三里地

棄而不治積潦盤據榛莽交翳明興以來生齒寢繁土

買田區畫未久調去迄隆慶己巳鄭守舜臣毅然成之中爲主山旁四小山竹樹陰森樓閣軒敞勝槩甲城北登之則城中廬屋如魚鱗城南五山遠與相對若賓主相見各極其態而莫能相下也見陳梧岡記

北溟山見遙青閣詩今沒於海

南山在金沙有樓望西南狼軍諸峯隱隱遙相映帶明季海門人築

半壁山在大聖寺後以土岡得名陽湖褚邦慶有詩

牧童山或云卽韓童山移築更名在梁甸西北青草如茵時有牛羊點綴其上晚風牧笛可補陶村一景

定海山在餘中四甲廟西北

彌陀山陰負長堤門抱曲水殿角古木參天明嘉靖初邑人張二水太行同築假以棲隱其西麓人夾呼張公波

太平山在江場南宋時有石佛浮海而至土人築山供之

香堂山元呂四人築今址去堤北地二丈

小山在王園山角叢桂成林由西路蹋磴而下東有草亭蔭連藤樹俯對荷池陂石刻古八分山亭小憩四字今歸馬蘅叔

擁翠岡在保國土山戴石自東迤邐而南上有松柏排
空蒼翠欲滴風過伶謾謾聲濤更可聽

孤山在泰興縣東南七十里南枕大江巋然一峯約高

百仞有伏龍寺產巨竹伐竹者必先祀伏虎禪師像禱

雨輒應今徙江中數十里在靖江界宋隱逸傳林逋

之孤山足不及城市蓄二鶴每泛舟湖中客至童子縱

鶴飛報逋即歸遍山植梅又有竹閣栢堂真宗賜栗帛

臨終時詩有茂陵他日求遺稿猶喜曾無封禪書仁宗

賜諡和靖先生廣輿記趙子固放棹山隈以酒晞髮箕

踞歌離騷指山麓最幽處燈曰絕叫曰此洪谷子董北

苑得意筆也鄰舟數十皆驚歎以為異人溫州江中孤

嶼兩峯相對其麓有江心寺謝靈運詩孤嶼媚中川安

徽宿松縣南小孤山在江北岸孤峯峭拔上有神女廟

對澎浪磯俗有小姑嫁彭郎之語九江府東彭蠡湖中

大孤山四面洪濤屹然獨聳小孤山在彭澤大江中流

四面陁絕惟
南厓可登

筆架山在泰興學署後教諭荆子邁築上有光霽臺詩

有紺碧池種蓮其中堂曰君子堂後有橋曰書帶橋

經潮州府潮陽縣治東韓山頂有三峯形如筆架韓文

公守潮嘗游此因名有文公祠祠旁有韓木郡人以其

花之繁稀卜科第之盛衰廣輿記四川浦城有夢筆山

江淹為建安令夢神人授筆于此江寧府東夢筆驛江

淹宿此夢郭璞曰吾有筆在公處可見還淹探懷中五

色筆授之自是作詩無佳句四川保寧府廣元縣北籌

筆驛諸葛亮侯出師嘗駐軍籌畫于此江西

吉安府城南香城山中峯奇秀俗呼文筆山

蠓山如臯縣掘港場之苴上一名土山土人取車蠖棄

殼和土成山高十餘丈一峯高聳望之若浮巒孤嶼出
沒雲濤中

摩訶山在如臯縣南一百二十里大江中一名段山又名蝦蟆山上有大聖祠廣輿記相傳山多異蛇泗州僧伽過此蛇爲分道故立祠嘉靖庚申志縣以摩訶爲屏蔽舊志山初連北岸距石莊二十里自永樂後田沒入江嘉靖閒又日益激蓄浮螺一嶼已距厓六十里矣山下沙洲爲江陰靖江二縣人佔據已連蘇州之常熟反與如臯隔絕實則縣南界也附廣輿記眉州東自象山十餘里至蠶頤山盤踞形類蠶頤每歲人日士女出東郊渡坡黎游蠶頤爲故事又蝦蟆培下水可煎茶按摩也詞大

碧霞山如臯縣城內上有碧霞元君祠曲水長隄左右

環映幽林別墅迴隔囂市風月佳辰雅宜延眺

九宜峯在臯城北徐園顧北墅喬墨莊管蓋曰宗杏園諸人題有宜山調鶴詩

揚州府志云揚子江自黃天蕩西牛步沙與建康爲界由瓜步下小帆山逕儀真縣南東下至鐵釘港鵝翎蘆與鎮江分界東北趨江都逕泰通入海方輿紀要云江北岸自瓜洲而東百二十里曰三江口又四十里曰周家橋卽泰興縣境縣志云周家橋在縣西三十里與南岸丹徒縣之圖山相對江去城十八里與常州府之孟瀆口相對爲戍守要地東逕靖江縣界至如臯縣南境

江去城六十里東至司魚港與通州交界州西南三十里之任家港南三十里之狼山港與蘇州府昭文縣北四十里之福山港相對江面闊百里沿江置戍特為門戶之險

廣陵轄十州邑通州為門戶江自京口來東抵通入海俗指邗關東一勺水為廣陵濤是泉也非濤也觀濤賦南望胥山面胥山者狼山也昔人云匣裏夜光滄海月賦中秋色廣陵濤狼山觀濤之證也枚生七發狀濤曰恍惚聊慄傲儻濱養秉意乎南山望通乎東海江水逆流海水上潮又狼山八月既望觀濤之證也由此考之

廣陵濤控江之尾扼海之喉斷由揚子金焦而圖山而摩訶至通州狼山為歸宿廣陵濤屬通無疑里人李堂辨甚悉有歌曰濤執狂爛五山砥波不揚兮惟浩瀾廣陵百二匯崇川崇川至此觀止矣徐魯三以為援引確

處可補入志書增俞思謙廣陵曲江考云思謙按王充論衡云丹徒大江無濤廣陵曲江有濤文人賦之大江浩洋曲江有濤竟以臨狹也徐堅初學記云七發觀濤於廣陵之曲江今揚州也又始興郡有曲江今韶州也司馬相如賦臨曲江之澄州郭裏見潮以其水曲折甚類廣陵之江李頎詩揚州郭裏見潮生李紳入揚州郭詩序云潮水舊通揚州郭內大厯以後潮信不通矣蔡寬夫詩話云潤州大江本與揚州橋為對干瓜州乃江中一洲耳故潮水悉通揚州城中今瓜州與揚州橋相連距江三十里不但潮水不至揚州亦不至揚州之北而曲江自有其濤唐以後漸為沙

所漲沒江之不存壽於何有元和志云江都縣大江南北對丹徒之京口舊闕四十餘里今闕十八里是也但江漲沒雖在唐時而江潮之微則自南北朝已於岷江條道元注水經以枚乘所言繫諸漸江篇內而於岷江條下語不壽蓋據當時所聞偶未深考耳後人泥於鄙注遂以廣陵之壽移諸錢唐國初毛氏奇齡朱氏彝尊閣氏若璩皆然蓋未思及川流改易今古殊觀也至伍子之山胥母之場皆在蘇州境內文興到推廣言之不必泥也汪中廣陵曲江證云枚乘七發將以月之望與諸侯遠方交游兄弟並往觀濤乎廣陵之曲江廣陵漢縣今為甘泉及天長之南竟江北江也本篇李善注引山謙之南徐州記京江禹貢南北江春秋朔輒有大濤至江乘北激赤岸尤更迅猛南齊書地理志南兗州廣陵郡土甚平曠刺史每以秋月多出海陵觀濤與京口對岸江之壯闊處也二文並明覈可據本篇凌赤岸筆扶桑李善因扶桑淪餘波於柴桑正承用七發郭璞江賦鼓洪濤於赤岸淪餘波於柴桑疑在遠方然文則七發扶桑當於柴桑淪餘波於柴桑疑在遠方然小孤山而回日驗可知江賦注赤岸在廣陵與縣寰宇記赤岸山在六合東三十里高十二丈周四里土色皆

赤因名顧祖禹方輿紀要引南兗州記潮水自海門入衝激六七百里至此其執始衰郭璞江賦所謂鼓洪濤於赤岸也今按此山府縣志所載土俗所傳均無異議故曲江之為北江非孤證矣往者吾鄉越闔辰六以廣陵濤榜其齋閣秀水朱檢討與書爭之以為七發所云在錢唐其言實謬檢討所據者本篇弭節伍子之山通厲骨母之場依注以骨母為胥母之謫而不言二地所在又節鄺氏水經漸江篇注以為證不知越之北竟至今之石門浙江非吳地故越語向踐之地北至禦兒韋昭注今嘉興語兒鄉也吳語大夫種謀伐吳日吾用禦兒臨之韋昭注禦兒鄉也吳語大夫種謀伐吳日吾用禦吳越之間有具區其言審矣于今嘉興地並在今蘇州嘉興二府之竟故春秋定公十四年於越敗吳于檣李杜預注吳郡嘉興縣南醉李城傳吳伐越子向踐禦之陳于檣李又闔廬卒于涇去檣李七里哀公八年傳吳王夫差敗越于夫椒注吳郡吳縣西南太湖中椒山越語句踐即位三年興師伐吳戰於五湖不勝是也吳越交兵凡三十二年內外傳所謂江並吳水而陳吳語傳哀十七年越子伐吳于禦之笠澤夾水而陳吳語越王句踐乃率中軍沂江以襲吳入其郛韋昭注江吳

江也又吳王起師于江北越王軍于江南韋昭注江松
 江去吳五十里是也吳殺子胥投之於江吳人立祠於江
 七發注引史記吳王殺子胥投之於江吳人立祠於江
 上因名胥母山史記伍子胥削傳吳王取子胥盛尸以
 賜夷革浮之江中吳人憐之為立祠于江上正義引吳地記
 山在太湖邊去江不遠百里故云江上正義引吳地記
 曰越軍于蘇州東南三十里又向三里臨江北岸立
 壇殺白馬祭子胥杯動酒乾盡後立廟于此江上吳太
 伯世家正義引吳俗傳子胥與越後越從松江北開渠至
 橫山東北築城伐吳子胥乃與越軍夢令從東南入破
 吳越王即移向三江口岸立壇殺白馬祭子胥杯動酒
 乾盡越乃開渠子胥倫濤蕩羅城東開入滅吳至今號
 曰示浦門曰鱈鱓是也吳投子胥之尸豈有舍其本國
 南竟五十里之吳江乃入鄰國三百餘里投之浙江哉
 然則伍子之胥母之場固與浙江無涉不得引以爲
 證吳越春秋句踐殺大夫種葬于國之西山一年伍子
 胥從海上穿山脊而持種去與之俱浮于海故詩潮水
 揚波者子胥後重水者大夫種也其言固誕然但言海
 潮而不言浙江也論衡書虛篇吳王殺子胥投之江子
 胥恚恨驅水爲濤以溺殺人今時會稽丹徒大江錢唐

浙江皆立子胥之廟蓋欲慰其恨心止其怒濤也二江
 並祭子胥乃在東漢之世水經淮水篇注引應劭風俗
 記江都縣有五岳祠子胥之配食大江是惟命祀漸江爾
 歲三祭與五岳同子胥之配食大江是惟命祀漸江爾
 注據吳越春秋以七發所云專屬之浙江則誤矣檢討
 又云會輦序鑑湖圖有所謂廣陵斗門者在浙江陰縣
 西六十里去浙江不遠今以其地準小名何取於是以之
 自吳至浙不經其地且係堰牖小名何取於是以之
 冠曲江之上哉是時吳王濞都廣陵北江在國門之外
 故強太子往觀之若喻越江湖干二百里以至浙江則
 病未能也檢討又云江都之更名廣陵在元狩三年時
 乘已卒不應先見之于文則尤謬史記五宗世家江都
 王建自殺國除地入於漢爲廣陵郡據漢書諸侯王表
 地理志並在元狩二年其時所更名者廣陵郡也而廣
 陵郡自有廣陵縣爲郡治爲吳江都廣陵郡也而廣
 則在楚在秦在荆在吳在江都皆有之故史記六國表
 楚懷王十年城廣陵項羽本紀廣陵人召平于是爲陳
 王綰廣陵樊鄴滕灌劉傳灌嬰度淮盡降其城邑至廣
 陵吳王濞削傳孝景帝三年正月甲子初起兵于廣陵
 不得謂元狩三年之濤無廣陵之名也漢所置郡國若

宏農陳畱平原千乘丹陽桂陽零陵耆都安定朔方皆
 取縣名甚多故江都之為國廣陵之為郡皆以縣也
 此例不根持論雖越俗好鬼錢唐廣陵侯之注祀舉子
 檢討業元人錢惟善之試卷皆荀舉之而于經史正文反
 屏而不觀及一引漢書而其謬若是夫後學之天戒已
 至廣陵城本在蜀岡上邳溝環其東南江即在其外故
 水經淮水篇注云昔吳將伐齊自廣陵城東南築邳城
 城下掘深溝謂之韓江夾日邳溟溝今自廣陵驛而北
 為舊城之市河北至堡城折而東至黃金壩會于運河
 是其故址自此入淮一名中瀆水故云中瀆水首受江
 於廣陵郡之江都縣縣城臨江是也晉以後江益徙而
 南故沔水篇注云毘陵縣丹徒北二百步有故城舊去
 江三里岸稍毀遂至城下城北有揚州刺史劉繇墓淪
 于江是也今揚州城外運河唐王播所開事見播傳其
 時江猶至于揚子橋而東關以外在漢則江許也然則
 城東小水之稱廣陵濤固非無據也凡檢討所云惟水
 經注承酈氏之誤其餘無一是者恐後人習謬而不知
 故為正之

通州水軍之會世宗征淮南邵可遷以戰船四百艘水
 軍萬七千人至於通州以會期吳越

江水東逕江陰縣北其北岸則泰興靖江如臯也江陰
 大江在縣北有馬馱沙與泰興縣分領泰興唐海陵靖
 江本唐海陵吳陵二縣地宋為泰興元改屬江陰明成
 化五年析置靖江縣界河與泰興分界也大江經其東
 南泰興遂為江北之地矣如臯本後漢廣陵郡地晉分
 廣陵置山陽郡有如臯縣唐析海陵縣地置如臯鎮五
 代南唐時為縣大江在其南
 江水東逕常熟縣北其北岸則通州也常熟蘇州府北

大江去縣四十里福山臨江有港東連大海曰福山港
通州本漢海陵縣之東境狼山在州南十八里布洲峽
在州南四十里江中黃子鴻曰常熟與通州相對古時
縣界闊遠故東北濱海自明分置太倉州後凡縣境濱
海之地俱割屬之今江自太倉七鴉口始析而南是爲
大洋其在本縣境者自福山北距通州之狼山計水面
不過百里止可謂之江尾而非海也

江水東逕太倉州北其北岸則海門縣又東入於海太
倉在蘇州府東北婁江在州南大海在州東北南接嘉
定北接通州海門在通州東一百里本唐海陵縣之東

洲鎮五代時置海門縣海舊在縣東十五里有六港皆
東通大海其地爲海水所侵吞 本朝康熙初年縣治
淪於海今爲海門鄉與茅家鎮之廳治名同籍異併鄉
學入州境以上三則俱東爲中江入於海之所經也
禹貢揚州貢道自常熟縣北之大江順流而下至太倉
州七鴉浦入海而東北經通州又北經如臯興化鹽城
山陽縣西入淮口派流而下歷安東山陽至清和縣西
南之清口入泗所謂沿於江海達於淮泗也

海去州治東北百九十里背而負者二百餘里南歷浙
閩界通南海北歷齊魯界通遼海朝鮮在東北日本琉

球在東南元時州人朱清張瑄造海運舟由此達直沽海口在海門鄉料角嘴南與孤懸海渚之崇明相對為長江外衛最為險要自東折而北即如臯縣境海去縣治東百三十里黃沙洋港即與泰州交界

湧幢小品云海門縣東料

角嘴江海交會處海鹹江淡水不相混江水高海水數尺

宋朱清通州人常為富家傭殺其主入海島為盜與其徙同里張瑄掠海上葡知海道曲折尋就招懷為防海義民元伯顏平宋遣清等載庫藏諸物從海道入京師授金符千戶遂言海道可通上命總管羅璧暨清瑄等造船六十艘運糧四萬六千餘石逾年始至京朝廷

不知其利仍通舊運尋因怵兀鰥言海運便立萬戶府四總其事又併四府為都漕運清瑄掌之成宗大德六年江南僧石祖進撫二人交番不法等事伏誅按唐時已有海運朱張特踵行之

山堂肆考

元時海運之道初自平江劉家港入海經揚州路通州海門縣黃連沙頭萬里長灘開洋沿山嶼而行抵淮安路鹽城縣歷西海州海寧府東海縣密州膠州界放靈山洋投東北路多淺沙行月餘始抵成山計其水程自上海至楊村馬頭凡萬三千三百五十里至元二十九年都轉運萬戶府朱清等言其路險惡復開生道自劉

家港開洋至撐腳沙轉沙嘴至三沙揚子江過扁擔沙大洪又過萬里長灘放大洋至青水洋又經黑水洋至成山過劉島至之罘沙門二島放萊州大洋抵界河口其道差爲徑直明年千戶殷民畧又開新道從劉家港入海至崇明州三沙放洋向東行入黑水大洋取成山轉西至劉家島又至登州沙門島於萊州大洋入界河當舟行風信有時至京師不過旬日視海二道爲最便云今州南馬鞍山西有兩石門相對曰通濟閘乃元時漕運出海之處史稱民無輸輓之勞國有儲蓄之福故終元之世海運不廢明初定鼎金陵尙由海道運糧以

餉遼永樂六年命海陸兼運以餉北平十三年會通河成海運始廢

通瀕東海自明初日本入貢不常海氛遂熾嘉靖以後日甚一日國朝定鼎島夷效順萬里波澄而設鎮屯兵不忘修飭綢繆之計益遠矣

宋建炎間水賊張榮入通州崇明洲洲本通州海濱之沙時句容有姚劉各姓避兵隱洲上後乃稍有人居遂稱姚劉沙

范公堤卽捍海堤安東志名古淮堤堤在鹽城二里自東北直抵通泰海門長一百四十三里有奇脚闊三丈

面一丈高一丈五尺元詹士龍爲興化縣發九郡人夫
併築延亙三百餘里刻石曰逢詹再修又刻景祐二年
八月仲淹記萬秭十年總漕凌雲翼修築建洩水涵洞
水渠十七處石閘一處用帑金四萬二千四百有奇洩
捍兩得十五年巡撫楊一魁以黃淮交漲而舊堤洩水
不及山鹽六縣田沈水底挑濬廟灣射陽湖等處河道
水有所洩范堤乃固民竈兩利一
唐大秭中黜陟使李承實承一任淮南節度判官自鹽
城築堰直抵海陵縣亙百餘里名曰捍海堤五代僞唐
李昇與宋開寶中知州王文祐皆嘗修築至天聖初范

仲淹監西溪鹽倉憫鹵潮汎溢奪民穡藝具書白發運
副使張綸請堤通泰海三州俾障鹹潮張卽奏如所請
發夫四萬循險而堤址厚三丈面三之一高一丈五尺
長百四十二里零百三十六丈起鹽城止餘西場仍置
海陵兵專防罅漏民蒙其利因僞爲范公堤慶秭中通
州知州狄遵禮大嘗修築至和中海門知縣沈起復築
堤七十里自呂四至餘西延接范堤名曰沈公堤淳熙
中待制張子正加修范堤嘉定中如臯知縣魏甫元大
修築焉明洪武二十三年潮漲堰壞呂四場民死者三
萬餘人海門知縣以聞詔起蘇松淮揚四府人夫修築

永樂九年漕運總兵官平江伯陳瑄復起淮揚二府人夫重築成化二年及七年兩度海潮衝堰壞缺口七十二處十三年巡鹽御史雍泰起沿海民夫兼各場竈丁四千人修築正德七年潮漲壞堰巡鹽御史劉繹檄各鹽場修之嘉靖十九年潮陡漲堤壞死者萬餘人海門知縣汪有執請復修之萬秭十年總漕都御史凌雲翼題准修築建洩水涵洞水渠十七處石閘一座十六年海門知縣姜天麟同運判李瀾督造新堤堤外有非字港二漾口大橫口夾港四十三年巡鹽御史謝正蒙重修范堤 國朝順治九年修捍海堤岸雍正十一年以

范堤爲沿海藩籬鹽場保障急應修築堅固命總督魏廷珍勘估協理河務西柱查辦又於堤內建築越壩一道十二年增設掘港豐利馬塘三場堡夫乾隆元年豐利場鹽課大使羅玉果倡捐修黃沙洋越壩十一年發兩淮運庫銀修築范堤十二年通州知州董權文監造掘港場七總涵洞一座州同王坤元監造長沙廟涵洞一座

包檉芳浙江嘉興人進士隆慶三年以貴州督學副使左遷通州運司判官初至值海潮大作時范堤白石港至馬塘歲久傾圮潮暴入溺死人畜無算檉芳行勘以

屢年修築海堤皆自新堤徑接舊堤以省費爲上各竈煎燒蕩產在堤外者十有七八今自彭家口直接石港迂十五六里雖爲費多然有益於民昔范堤百四十里不少靳豈宜惜此小費而置民生度外乎運使大主其議堤成海民德之爲立祠比於范仲淹故堰呼其堤曰包公堤云

丁丑志謂通之爲害海居八九今范公堤日增月培蟻封無缺而潮水從出之地高仟堰壩間設閘門使蓄洩得宜桑土有菑雖巨浸必不爲災如康熙十年十一年旱魃爲災總戎諾邁草衣茹素步禱連旬是年蝗不傷

稼災修葺之一驗也

仇俊卿云海寇之來每自南而北度南麂山則自廣入閩矣過流江寨則出閩入浙東越海門則又浙之西矣踰寶山至吳淞沙上等處則又自浙入江南直隸矣沙上以南不暇泛及茲以海道之要害切於江北者言之狼山當江海之吭而料角掘港皆揚之東南界也胸山據淮海之首鬱州嚶遊山皆淮山東北境也中包泰興之周家橋鹽城之射陽湖山陽之雲梯關廟灣等處此皆沿海衝要之區寇盜可以停船出沒之處皆據守所當先者也近奉欽依東西二海所雲梯關麻洋掘港俱

設把總惟周家橋廟灣場一二處來須添設把總其狼
山駒山爲首尾之執貴令參將分布駐劄堵截海寇中
間舊設新添官軍兵快悉聽參將提調凡遇聲息百里
之內同日應援不許互相推避致誤軍機各照律例重
擬庶心力可一盜寇可禦又照臨清向爲倭寇添築外
城維揚近爲倭寇大議築外城淮郡西湖嘴正人煙稠
密處所一遇寇至搬移流離况二城所容有限欲將西
湖嘴另築一城又慮財力地執俱有未便聊將夾城中
間連築爲道一自新城東南角樓起抵舊城桃花營一
自新城西南角樓起抵舊城北水關共計四百餘丈比

之揚外城之工不及十之一二如此則兩城相通糧草
兼濟攻守有備矣

籌海圖篇

金魚云倭寇之患起於吳浙而沿及淮揚蓋揚州富甲
天下人所素聞三十五年之夏賊以二百餘人突至揚
州城下城中謹閉自守任其遊逸無如之何大掠而去
自是益生歆豔而揚州爲盜所必窺之地矣以江北之
大執言之東起廖角嘴大河口以及呂四盧家等場灌
於楊樹港海門裏河通州與如臯泰州稍折而北則爲
揚州矣過揚州而西稍北則天長滁州抵中都踰海門
而北則爲徐步營又北則爲掘港又東北則爲新揮港

轉而西北則金沙鹽城廟灣劉莊姚家蕩再西北則蛤
蜊麻線等港而至大海口矣劉莊東北則安東安東之
北則爲海州贛榆泰州西北則爲高郵寶應寶應之北
爲淮安淮安轉西則泗洲以達鳳陽此江北形勢之大
畧也賊入海之道有二其一新港爲一道新港卽所謂
三江口蓋由南江狼山越儀真瓜州而入登岸則卞家
墳稍折而東則揚州矣此可入以登岸亦可從以出海
者也此最爲便道其二則蛤蜊麻線等港沿北大海口
爲一道大海口有水陸路南通廟灣與劉莊姚家蕩俱
爲大鎮賊若據此我兵屯於湯潮岸等處賊南尋新港

路出不得則必北循大海口而出執所必然也若安東
海州之東北有大北海不惟道里迂遠且砂磧甚多此
不可運舟者也掘港新插港之東夾有北海砂磧夾多
不堪重載此但可從以入而不可出者是賊出海之
路止有二途若其登岸之處則不一東則廖角嘴呂四
場西則楊樹港徐沙營又西則狼山楊樹港北則新插
港掘港皆其所從以登岸而入寇之路也夫賊所歆慕
惟在揚州一執居民便問其道若登狼山必窺通州而
揚州在西使於餘東餘西等處率民以擊其後則賊必
不敢直奔以寇揚州若於廖角嘴呂四場或新插港掘

港以進使於餘東餘西等處屯兵以遏之則揚州可無危故今餘東餘西等處最爲要地而當事者欲屯宿重兵以挫扼賊鋒者有以也按江北之地細港委蕩固大有之而平原浩壤則視吳淞爲多夫西北騎兵倭寇未易以禦其鋒也旣得平地則騎兵可施三十八年之捷以西北騎兵三千爲之先衝可見也他有湯潮岸者文正公所築以捍海溢者也故大名范公堤東南起呂四場西北抵姚家蕩縣互幾三四百里高岡平行可用騎兵爲之長驅今東關瓜州俱已建堡若於廖角嘴呂四場及新插港掘港以進或不能西取揚州必轉之東北

而窺淮安安東以據劉莊廟灣我軍苟能彼此夾攻逼之使至湯潮岸以西北騎兵衝其鋒而以火器繼之各路兵隨後擊之賊可以成擒矣故我軍惟利賊之至此者有以也新插港東臨北海素有鹽筏數百艘聚泊崇明北徙之寇欲劫鹽脅筏而不果當事者欲置官於此以提督鹽筏使不爲賊用而爲我用矣一見也夫寇興以來燒劫屠戮之慘吳浙淮揚所同若獲利之多則未有如淮揚者而賊所必不能舍者在是矣夫江北之地除安豐等三十六場俱在海內不爲要害其要害之處乃通州也狼山也楊樹港裏河鎮也餘東餘西等場也

廖角嘴呂四場也掘港新插港也廟灣劉莊金沙場姚家蕩也今皆已建城堡設戍守非若往日之無葡矣其要害之尤者曰新河出入最偏逼近揚州也曰北海所從以通新插港且有鹽徑聚艘於此者也曰廟灣以其為巨鎮而可通大海口也故曰當事者荆川先生欲以把總三人一住新港一住北海近新插港且有鹽艘聚泊也或曰廟灣以北之北海疑一住廟灣一為陸路遊擊住劄海安鎮若海安未是在如臯泰州之間東可以控扼狼山通州海門之入而西可以捍衛揚州也籌海圖篇

蓋淮水為通之上流自揚至通僅一衣帶通之北為下河西南為江東北為海皆屬巨壑如秦地執又高無以蓄之則內地運鹽等河俱成槁壤故上流之滕家壩徐家壩與下流濱江之閘壩濱海之堤岸皆所恃以為固者也雖遇江濤陡漲海潮猝湧而恃堤壩之利內地究無大患苟天雨淫溢上流洶湧小則啟壩底涵洞大則開鹽倉唐家等閘及通江諸壩水平仍閉而蓄之以為常如遇亢旱則俟潮漲時啟壩開涵引以內灌落則閉之皆所以為蓄也其中尤有宜永蓄而不可暫洩者次有雖洩而無害於蓄者如泰州南門外之滕家壩去泰

興之口岸鎮四十里入江甚迅壩北之水高壩南數尺
海安東之徐家壩北爲下河上河高下河夾數尺二壩
扼通郡之吭倘或悞開則一線淮流不勝尾閘之泄而
通屬河渠均受其弊無論永洩不可卽暫洩夾不可也
其雖洩而無甚害者如泰興之古溪在城東北八十里
北通海安西南達秀才港入江支流自雁陵莊者夾上
通運河之白米口如臯之窰子河西六十里交泰興縣
界又六十里至縣治又西南二十里始入江九十九灣
之龍遊河距江夾九十餘里且淤淺易涸澇時可藉以
洩水而旱無損故雖洩無害通郡河渠之大槩如此後

之講水利者宜留意焉

陳損之爲淮東提舉上言曰揚州舊有堤牯乃泰州泄
水處其牯壞矣乞創立斗門西引盱眙天長湖水自江
都高郵及楚州寶應山陽北至淮陰西達淮又自高郵
入興化東至鹽城極於海又至泰州海陵南至泰興徹
於江其爲石礎十三斗門七以紹熙爲名鑿諸堅石得
良田數百萬頃奏聞除直秘閣淮東轉運判官

宋徐的爲發運副使浚治通州如臯各漕河

明初之制自瓜儀以至通州河道皆屬漕撫設郎中二
員南北專理之其諸洪閘各有主司一員專司漕運都

御史敕諭自通州至揚州一帶水利皆當蓄洩者嚴飭該管官司等設法疏築以便糧運

明洪武五年二月辛巳命兩淮都轉鹽運使司移通泰等州批驗所於儀真縣仍疏濬運河以便商旅

明永樂中海溢堤圯自海門至鹽城凡百三十里命陳瑄以四十萬卒築治之爲捍潮堤萬八千餘丈自淮至臨清相水執置閘四十有七佗常盈倉四十區於淮上及徐州臨清通州皆置倉便轉輸慮漕舟膠涉自淮至通置倉五百六十八舍置卒導舟漕運賴之

明永樂二年十一月癸卯泰興縣沿江圩岸東至新河西盡丹陽界長六千六百五十丈高一丈五尺頃被江水衝決爲民患請發民丁修築從之七年十二月己未泰興縣耆民言縣南攔江堤岸爲風濤衝激淪入於江者三千九百餘丈又大江北自縣河南出大江淤塞四千五百餘丈請命浚築皇太子遣官相度修治九年六月自甲辰至戊申通州泰興海門等縣風雨暴作江湖泛漲壞房舍漂流人畜事聞命戶部遣人巡視撫卹十一年壬午戶部言通州海門縣官田民田被風潮衝坍入江者該輸糧三千五百八十餘石命除之

明宣德六年九月荅進縣民奏漕運由本縣孟瀆河出

逆水行三百餘里始達瓜洲壩往往爲風浪漂溺縣舊有新河四十餘里出江正對泰興縣新河入至泰州壩一百二十餘里至揚子灣出運糧大河比今白塔河尤爲便利命陳瑄周忱等審計

明正統八年三月漕運總兵周忱奏差進縣民言漕舟出夏港險阻不可勝言常州西有德勝新河入江江北泰興縣有北新河中間淤淺宜浚之以避大江之險從之

明景泰三年正月御史練綱言江南漕船往往風水失利今江南岸有常州南新河江北岸有泰興縣北新河相對又有江都白塔河與江南孟瀆河參差相對若由此二處橫渡江面甚近從之命尙書石璞措置

明萬秊元年九月王宗沐議覆海運把總爲遮洋把總領兌河運北糧仍知會兵部海汛有警暫調海口爲狼山聲援從之

國朝康熙三十一年十二月總河于成龍奏下河泰興如通并范公堤串場河等處分與揚州府管糧通判兼理移駐泰州奉旨准行

國朝康熙三十一年吏部等衙門覆奏江南揚州府管河通判事務頗繁更兼興泰如通之下河地方遼闊一

員不能兼顧且下河設運河減水壩又建閘疏通一切
 溝洫渠堰必得耑員應將下河興泰如通并范公堤串
 場河等處分揚州管糧通判兼理移駐泰州泰州判
 一員地廣水難總理應於該州州同酌量分管以期無
 誤若如臯太無管河耑員應裁泰興縣丞改如臯管河
 縣丞其通州興化鹽城海州河道俱責成該處州同州
 判縣丞管理奉 治河 旨俱照所題行 檔案

顧亭林云通州有新舊二河舊河自揚泰西來遶城隍
 東南入江東北過海門入海利灌溉新河串呂四至石
 港諸場直通丁堰便鹽運州士民以鑿河洩風氣鹵潮
 內灌傷禾稼望濬故河弗之能奪也通郡有六閘興水
 利然地勢高于他州縣憂旱甚于憂澇惟西北永興
 二鄉地窪下全洩則數百里之水盡注于江全閉則水
 澇驟發二鄉墊焉故陳司寇以唐家閘治則有十利白
 蒲鹽倉諸閘不逮也 郡國利病書

舊志極稱唐家閘宜深濬運河使各鄉支河溝汊與之
 相平非惟水潦可洩水涸亦可引若蘆團一閘修葺鞏
 固洵百世之利也夫諸閘未復而十六壩之涵洞誠責
 成鄰近鄉耆經理工省利速矣今日急務也 芸暉閣筆
 漢吳王濞開運鹽河引淮水自高寶至灣頭分支入閘

經泰州至海安歷如臯通州海門上十鹽場中二鹽場入海爲上河高寶以東泰州海安以北興化鹽城二縣東臺富安等中下十場地執窪下形若釜底眾水所歸汪洋停匯爲下河上河較下河高踰數丈上河爲上十場運鹽之路下河各場一路由秦潼河一路由西溪河一路由車垛河或至泰州北門過壩或至高郵北門過壩富安則間由閩河四十里至海安中壩過壩若上河淺涸仍由安豐至高郵泰州二處過壩此上下河運鹽之路也河流通處農家用以溉田歷漢唐宋元先後疏濬自明以來河日淤淺嘉靖四十一年巡鹽御史金應

奎檄江都縣同泰州知州濬之國朝乾隆四年河道總督高斌疏請開濬通州泰興如臯暨沿海十場之河渠十二年發帑疏濬今河路深通農商攸賴

明郡人孫三省濬舊河議曰運河上接淮揚下連江海原通呂四等七場商鹽由此運達至今二百餘年竈民商賈往來每便關津有制路次可遵夫此河者其利有六水潴無洩灌漑田禾利一也商運恆通國費節省利二也傍河有居以免爬搶利三也盤詰有所夾帶可杜利四也火草難鬻國課易完利五也搬轉費工興販可鮮利六也國計民生兩有攸賴此誠萬載不易之區頃

吳川尺牘金卷二
三
于隆慶二年間因餘西餘中江坍遷河起議商人圖適已便墮于船戶奸計告將各場開鑿新河藉口串場立心夾帶比時事在創爲民竈利害莫曉迄今六載爲害多端洩河水以引鹹潮稿禾苗而涵田地販鹽賣草悞課妨煎河挾浮沙速淤疾濬費財莫已貽弊無窮况石港察院居焉原取水環風固自從開河之後頗年民鮮蓋藏設今又開一河惟中馬塘奸計一則迂回道里一則希少人烟奸宄潛滋工程浩大商人未見其利石港獨受其害矣孰若省開新河二十六里之費并停今勘七場濬河資以濬本州運鹽舊河庶源深而無淺澁岸

固而免頽傾二百年之利樂頓興五六年之弊害可挽大工興于農隙普利濟于春荒一舉而兩得矣

舊志

陳大科市河記云通州始築城卽有市河後來河居民實土拓地架橋起屋河日隘萬秭四年林登卿來守通訪悉利病下令濬河五閱月而成其橫自西水門入而東互州解學宮痔折而東南出水門其縱則兩支一自玉帶橋注而南匯於洗馬池一由中正橋注而北北則又分爲兩一繞州解後匯於倉河逆而西流至王家壩一繞學宮後而東流出水門東西可並兩舟縱而北可大舟其南可小舟也城中民運芻糧百貨不絕如織按

王家壩東昔爲大潭逼育嬰堂後垣其委直抱堂右今大潭填塞屋其上僅存一水如帶壩西大潭有水循城直南二十餘丈今僅存潭水如勺易於盈涸而洗馬池夾填塞莫考更數十年後又不知若何矣

我里足徵錄

各場俱有河金沙河在州東二十里宋咸淳五年李庭芝爲兩淮制置使鑿河四十里通運鹽河入金沙餘慶場卽此明成化中知州鄭重修治之西亭河在州東北二十里通運鹽河入西亭場官河在餘西場通運鹽官河二道三汊南通大運河成化十七年巡鹽御史吳哲疏通餘西場通鹽河卽此呂四河在呂四場西通餘東場

成化二十年巡鹽御史李孟暉開濬呂四場通鹽河卽此石港河在分司北二十里宏治二年巡鹽御史張鎮疏通石港河由許家環吞石港場七十里者卽此又南十里爲新河仇家河在新河東七里岸河夾在石港萬秭中知州林雲程開岸河二十里溉田數千畝後揚州府通判包檉芳修治之從掘港場范公舊堤彭家缺口起中包馬塘南至石港新堤界止今呼爲包公堤河新開運河在呂四場 國朝康熙四十三年邑人夏申書等因餘東運河坍入江中呈請開通運鹽新河東接本場西暨餘東餘中二場南通河在餘中場邑人姜兆熊

等因北運河折而淤淺新沙南漲會同各總商捐工分
司黃家徵通詳院道於康熙四十七年開濬又金沙場
東有新舊運河舊河西通西亭場新河南至大運河北
至江場界掘港河馬塘河豐利河並在如臯界

海門與州壤相錯南濱江北爲鹽河東西運河旱則南
引江潮北引河水以灌田潦仍各洩于江河水不患無
歸若地南及州城西東二十里各建一閘運河北通鹽
河舊有港址開濬勿塞則方百餘里田爲膏腴水利之
大無逾于此

海曲拾遺

泰興江堰以捍禦江潮爲利與捍海堰等且堰成而田

存者不得混入已坍漲者不得隱爲故存此平賦一策
也舊議開新河爲漕河由泰達揚避圖山漲之險今改
水次蓋河道不直通運徑便商船經行爲縣民利然上
河水滔滔不蓄則通泰運鹽之河病矣或預建閘于口
岸以時啟閉庶幾兩便究不如仍舊之爲善也

芸暉閣
筆記

如臯縣東至海南至江蓋海東北自鹽城而南經興化
泰州如臯折而東通州海門諸鹽場皆其濱也江自黃
天蕩入儀真境東至江都歷泰興如臯通州海門上下
五百餘里至料角嘴入海此揚州境內江海之大畧也

芸暉閣筆記

南布洲在州南四十里大江中又東布洲即東洲相傳有布機流至沙上

白蘼洲蘼即爾雅所謂楸蘼蓋三角菱也今塔山旁遠池猶皆種之俗傳白米誤

胡椒沙洲在廖角嘴北時有水鳥羣集洲中或呼鷗鷺洲

發急港在軍山南風潮驟發執急則舟楫由此入避故名

張尚河在餘東城東北通港西仇竈河東三倉五竈河又爛窪港環漣港通豐慶團在李竈東北其沈竈西北

港曰歇御通神液團

呂四竈河南發於江曰東周河納於岸河入於漚水窪曰山港會於露御夾由泗港入海其張方泮非字港則皆發於海匯於團老岸西有曹嚴窪吳恆字等開新運河以江潮蝕內地移近靠北老岸較穩便但沙易淤塞河身尚淺宜時加疏浚
五爪港百家港在拼茶場自拼茶運鹽河出西至力乏橋向南由如邑向東距分司水路二百四十五里
菱月潭在河口西碧水澄渌夜月照如菱花鏡面晶瑩徹底俗誤以菱為凌

龍潭在起鳳橋西河內又大小龍潭各一並在金沙堤

東南

濟潤潭在城西弔橋下旱時常資挹注不竭志誤以為

井水清味甘飲之令人長壽

甘泉井在州治西五十步宋崇寧中任伯雨字德公謫

通州就地得廢井濬井味甚甘故名今堙

孝思泉在旌孝坊明孝婦夏暘之妻朱氏汲以供膳

靈壽泉在北郭百歲坊滂汲飲多壽居人近百歲少亦

六十以上比漢時廖扶丹砂井

按抱朴子云臨沅縣廖扶家世世壽考後子孫徙去轉多夭折他人居其故宅復得壽考乃試掘井其

水清濁中分左右得古人埋丹砂數十斛此汁因泉漸

入井是以飲其水而得壽宋史渭鐫百壽字於石匠廣

西柳州融縣靈壽溪舊傳仙吏投丹於中飲者多壽

雌雄泉井對削豐利玉石檻旁今堙

雙魚井在如臯縣縣人范世輔佃儻負奇畧閉有不直

者質之剖決無畸咸欣慰去饑民百餘號風雪中給之

粟幾一年授以囊橐使裹糧歸里所居村有井躍出赤

井按神記謝紉嘗食客以殊書符投

鯉一雙人以為瑞至今呼為雙魚井

井中有一雙鯉魚躍出即命作贈一座皆徧夢溪筆談

越州應天寺有鰻井在一盤石上乃一石竅也鰻時出

遊人取之置懷袖間了無驚猜形如鰻而有鱗兩耳甚

大尾有刃跡相傳黃巢曾以劍刺之凡鰻出遊越中有

水旱

之災度軍井在如臯縣城西十里岳少保將兵數千人過此

道渴賴以供飲井雖淺泉長不竭汲且盡擊其欄復溢
少保歎曰此聖井欄也一統志元淮南王聞其異取欄
置庭中井上擊之不驗隨送還今呼爲聖井欄頭淮南
王世子別墅名萬化園在縣東三里附漢志高祖爲楚
插劔於地泉卽湧出至今水不涸旱不枯土人呼爲龍
湫梁州異物志漢貳師將軍李廣利伐大宛還衆渴廣
利引佩刀刺山飛泉涌出東觀漢記耿恭爲校尉居疏
勒匈奴來攻城中穿井十五丈無水恭衣冠拜井有頃
井泉噴出隋書豆盧勣拜渭州刺史烏鼠山絕壁千尋
由來乏水諸羌苦之勣馬足所踐飛泉涌出百姓號爲
玉漿廣輿記澄城有掘鎗泉漢光祿北征時掘鎗得泉
因名除州側菱山有泉客至撫掌卽涌出名喜客泉囊
宇記咄咄泉在安豐軍淨戒寺北人大呼則大湧小呼
則小湧咄咄之則愈甚南史延陵縣季子廟北地中有金
石磬鑿之得沸井二

雙玉泉在俞莊東西二井夾茶亭遙對護以石欄味並
清美

天泉味淡於運河水井在三清祠痔一如正德泉去天
池里許爲鹵地所珍

訪戴泉在城西北五十里檢討濟南唐夢賚遊五山慕
白蒲戴懋元之賢肩輿訪之時亢旱途中遇井飲之甘
遂名訪戴泉記以詩後堙邑人鄒立本重濬

相見灣在泰興縣城東北河形委曲迴環世傳龍過所
開名龍開河中爲相見灣

鰕子灣在汙河東南宋文丞相於丙子年閏三月十七

日由此石港見來南錄有詩

塔影河在州北濠河岸里許寶峯莊西南每至夕陽返
照城中光孝塔影層層現於水際中產銀魚盛則鄉場
中選者必多

得勝河在泰興縣城西南四十五里江邊對江南岸為

江陰縣馬馱沙明太祖由馬馱沙進兵敗張士誠於盛

大港改港名為得勝河又廖永安嘗以舟師破士誠

于福山港

羊毛河在秦邑摩訶山北與臯西芹湖水通

涼月河南通馬塘涼月潭明王飛虎與倭兵戰歿所又

合甜水濫港灣港水東注東團新河北折入直挺河前
在豐利

龍游河在如臯縣城南內接濠河外通大江其形環曲

舊傳龍過而成凡六十餘里一名九十九灣又龍游溝

在通州餘西場周王坭明洪棗中周王二族爭田一日

雨降有龍自堤蜿蜒而南劃成水道界分而息建廟于

河南開東有碑記今開廟俱圯而溝通官河蓄水溉田

尙蒙其利增水經注沮陽城東牧牛山下有九十九泉

九岡荆州枝江縣有九十九洲諺云洲不滿百不出王
者宋文帝在藩時忽生一洲果龍飛江表通志汀州府
者平縣南有九十九洞先時有象止其中名象洞漳州
漳浦南梁山贛州府信豐縣香山並有九十九峯江西

撫州府治東南有九十九井周宣王時一夕所開南安府上猶縣有九十九曲水貴州銅仁府月鏡山一名梵淨山有九十九灣通楚蜀黔中勝槩無逾於此

車馬湖在如臯縣城東南六十里范少伯浮海入齊棄車馬于此

芹湖在如臯縣西南七里安定鄉北水色明淨葭葦如雪鳧雁家焉乃咏眺最勝處雁過此必回翔數日乃去今為平田

鄭公灘在如臯豐利場宋治平二年富鄭公弼以使相判揚州先是葡海寇戰船每敗于風濤公因鑿灘以泊之且使軍士習水戰其中

蟠溪即邗溝在如臯縣西十里赤坪鄉溪灘寬衍中多洲渚彎曲如龍蟠因名按吳楚會于邗溝即蟠溝地今有邗溝鋪

金孩兒池在如臯縣城北二十里有人見兩童戲池上竭水視之獲金童二附齊書王者有盛德則金人遊于後池稽神錄天復中豫章有人治舍掘地得木櫃發之得金人十二頭各長數寸皆古衣冠首戴十二辰屬款制精麗殆非人工其家寶祠之因以致福

